



**SCOLA
LUMNEZIA**

218.10

Reglament davart absenzas e congedis

dils 21 da fenadur 2014 (stan 01-09-2016), vers. 1.2

Reglament davart absenzas e congedis

dils 21 da fenadur 2014.

Basa legala

art. 1

¹ Il reglament „absenzas e congedis“ dalla scola Lumnezia sebasa silla suandonta basa legala:

- art. 28, art. 68 ed art. 96 dalla lescha da scola cantunala dil cantun grischun dils 21 da mars 2012
- art. 12 alinea 17 digl uorden da scola dalla vischnaunca Lumnezia
- directiva d'absenzas e dispensaziun digl EKUD Nr. 807 dils 5.07.2013
- Nominaziuns da personas, funcziuns e mistregn serefereschan ad omisduas schlatteinas.
- Cun geniturs ei manegiau „il representant legal“.

Principi

art.2

¹ L'instrucziun en scola e scoletta ein da visitar regularmein e punctualmein ed astga buca vegnir munchentada senza motiv urgent.

Absenzas

art. 3

¹ Sco motivs d'absenza valan:

- malsogna, accident, viseta medicinala (miedi ni dentist) cun confirmaziun da termin
- dimoras da reconvalescenza e da cura ch'ein necessarias duront il temps da scola per motivs da sanadad
- greva malsogna, mort e sepultura d'in confamigliar, d'in parents ni da personas cun ina stretga relaziun persunala
- fiastas religiusas impurtontas (per il scolar)
- visetas da posts da cussegliaziun renconuschi ni/e d'autoritads naziunalas, cantunalas e communalas (cun confirmaziun dil termin)
- prighel da lavinas, relaziuns da vias buc responsablas

² Tier absenzas duei la persuna d'instrucziun responsabla vegnir informada immediatamein. Cun retuorn en scola vegn l'absenza importada el carnet d'absenzas. Tier absenzas prevesiblas (ex. medii/dentist) vegn la persuna d'instrucziun responsabla informada ordavon.

³ Tier absenzas muort malsogna ni accident che cuozzan dapli che 3 dis ni tier absenzas da singuls dis che serepetan savens, sa la direcziun da scola pretender dils geniturs in attestat dil medii.

Sepulturas

art. 4

¹ En cass da sepulturas ella vischnaunca Lumnezia vegn dau liber in miezdi ad affons che vulan assister allas funcziuns funeralas. La persuna d'instrucziun da classa sto vegnir informada sche pusseivel in di avon la sepultura. Ils geniturs

ein obligai da procurar ch'ils affons che survegnan liber, assistien allas funcziuns funeralas. La survigilonza vegn medemamein adossada als geniturs.

Motivs per congedis**art. 5**

¹ Sco motivs per congedis valan: (enumeraziun ei buca cumpletta)

- eveniments famigliars da grond'impurtonza (ex. nozzas d'in confamigliar, da parents, ni da personas cun stretga relaziun persunala, etc.)
- participaziun activa ad occurrenzas sportivas, culturalas, artisticas ni scientificas.
- en funcziun sco „voluntari“ tier occurrenzas publicas (ex. sco commember d'ina uniuin)
- activitads dil temps liber¹. Per quei intent dat ei maximalmein 4 mezs dis congedi ad onn.

² Per igl'emprem di da scola dat ei negins congedis!

**Competenzas;
termins d'inoltraziun;
lubientschas****art. 6**

¹ Il purtader da scola sa conceder congedi tochen maximalmein 30 mezs dis da scola per onn da scola, resp. tochen il treidubel dil diember da lecziuns jamnil dil scalem da scola correspondent. (lescha da scola art.28, ordinaziun dalla lescha da scola art. 25)

² Il menader da scola ha la cumpetenzza da lubir congedis.

³ Damondas da congedi ein d'inoltrar a scret e cun argumentaziun sil pli tard 5 dis avon il termin da congedi al menader da scola, via persuna d'instrucziun da classa.

⁴ La lubientscha per in congedi duei buca esser dependenta dallas prestaziuns en scola, denton duein ils representants legals dil scolar vegnir informai, sche la promoziun da lur affon ei pereclitada. Ord motivs disciplinars e pervia da schliet cumportament sa ina damonda da congedi vegnir refusada.

**Congedi per
prolungaziun
dallas vacanzas****art. 7**

¹ Damondas per prolungaziun da vacanzas ein d'inoltrar a scret e cun argumentaziun directamein al menader da scola sil pli tard 30 dis avon il termin da congedi.

**Congedis per dapli
che 30 mezs dis
per onn da scola****art. 8**

¹ Congedis che survargan totalmein 15 dis da scola (per onn da scola) ein d'inoltrar directamein agl inspectorat da scola. La damonda ei d'inoltrar a scret e cun argumentaziun sil pli tard 20 dis avon il termin da congedi.

Via legala**art. 9**

¹ Encunter decisiuns dalla direcziun da scola en connex cun congedis sa vegnir fatg recuors tier il cussegl da scola enteifer 10 dis. (uorden da scola art. 14)

Fuorma e controlla**art. 10**

¹ Damondas da congedi ein d'inoltrar alla persuna d'instrucziun da classa cul

¹ Explicaziun: Ei sto setractar dad in'activitad fatga regularmein, sco per exempel in hobi, ni d'ina activitad che stat en stretga relaziun cun la professiun dil bab ni dalla mumma, sco aspectatur tier occurrenzas, ...)



formular correspondent el carnet d'absenzas. Damondas per prolungaziuns da vacanzas ston vegnir formuladas en fuorma da brev ed inoltradas directamein al menader da scola.

**Materia da scola
munchentada**

art. 11

¹ La materia da scola che vegn munchentada entras in congedi sto vegnir cumpensada. La responsabladad schai tier il scolar, resp. tier ils geniturs.

Surpassament

art. 12

¹ Geniturs che tarmettan buca regularme in lur affons a scola ni che prendan lur affons ord scola senza lubientscha da congedi san vegnir puni cun in castitg da tochen francs 5000.- sebasond sigl art. 68 ed art. 96 dalla lescha da scola cantunala. La persuna d'instrucziun da classa ed il menader da scola ein obligai d'annunziar absenzas nunlubidas al cussegl da scola. Davart il castitg correspondent decida il cussegl da scola.

Fuffegnadis

art. 13

¹ Duront il temps da scola vegn il fuffernadi mo lubius sch'igl ei necessari per survegnir ina piazza d'emprendissadi, ni sch'igl ei buca pusseivel da far il fuffernadi duront il temps da vacanzas da scola. La damonda ei da tschentar aschi baul sco pusseivel.

² La direcziun da scola sa pretender in mussament dil patrun.

Vigur


art. 14

¹ Quest reglament va en vigur igl 1. d'uost 2014.

² Ils geniturs vegnan informai davart congedis ed absenzas a caschun dalla sera da geniturs. Ils scolars vegnan informai mintgamai all'entschatta digl onn da scola dalla persuna d'instrucziun da classa.

Quest reglament ei vegnius approbaus dil cussegl da scola ils 21 da fenadur 2014.

Cussegl da scola:


Presidenta: Elisabeth Lorez


Actuara: Evelyn Casanova